

Odluka o broju vijećnika Skupštine općine Žepče za općinske izbore u Žepču 2002.godine

Koristeći se ovlaštenjima koja su Visokom predstavniku data članom V Aneksa 10 (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini prema kojem je Visoki predstavnik konačni autoritet u zemlji u vezi tumačenja spomenutog Sporazuma o civilnoj implementaciji Mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pruža pomoć, kada ocijeni da je to potrebno, u rješavanju svih problema koji se pojave u vezi s civilnom implementacijom";

Pozivajući se na tačku XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojima je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi tumačenja Sporazuma o civilnoj implementaciji Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada ocijeni da je to neophodno", o određenim pitanjima, uključujući i (prema tački c) stava XI.2) "mjere kojima se osigurava implementacija Mirovnog sporazuma na cijelom području Bosne i Hercegovine i njenih entiteta";

Shvatajući hitnu potrebu da se osigura demokratski izbor općinskih struktura u općini Žepče;

Konstatirajući da je Parlamentarna skupština Bosne i Hercegovine donijela Izborni zakon Bosne i Hercegovine ("Službeni glasnik BiH", br. 23/01);

Imajući na umu član 9. Odluke Visokog predstavnika od 6. oktobra 2000. god. o integraciji općine Žepče ("Službene novine Federacije", br. 44/00), Konačnu odluku Visokog predstavnika od 30. novembra 2001. god. o integraciji općine Žepče ("Službene novine Federacije BiH", br. 56/01) i Odluku Visokog predstavnika od 3. aprila 2002. god. o organiziranju općinskih izbora u općini Žepče ("Službene novine Federacije BiH", br. 14/02);

Imajući dalje na umu Zaključak Prijelaznog općinskog odbora općine Žepče br. 01-05-48/02 od 1. februara 2002. god;

Vodeći računa o tome da Izborna komisija zahtijeva da bude poznat broj vijećnika u Skupštini općine Žepče prije preduzimanja koraka potrebnih za provođenje skorih izbora u toj općini;

Imajući u vidu i razmotrivši u cjelini sve gore navedeno, Visoki predstavnik donosi:

ODLUKU

O BROJU VIJEĆNIKA SKUPŠTINE OPĆINE ŽEPČE ZA OPĆINSKE IZBORE U ŽEPČU 2002. GOD.

1. Skupština Općine Žepče će, u skladu sa rezultatima skorih općinskih izbora za Žepče koji će se održati 5. oktobra 2002. godine, imati 23 vijećnika.
2. Ovaj broj vijećnika biće utvrđen u budućem Statutu Općine Žepče.
3. Ova odluka stupa na snagu odmah i odmah će se objaviti u "Službenim novinama Federacije Bosne i Hercegovine" i "Službenim novinama Zeničko-dobojskog kantona".

Sarajevo, 8. juli 2002.

Paddy Ashdown

Visoki predstavnik